

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова
Управа полиције

Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

**INFORMACIJA O AKTIVNOSTIMA UPRAVE POLICIJE
MINISTARSTVA UNUTRAŠNJIH POSLOVA KANTONA SARAJEVO
ZA JULI 2024. GODINE**

Adresa: Sarajevo, La Benevolencija 16
Tel: + 387(0)33 286-704, Fax: + 387(0)33 221-024
Web: <http://mup.ks.gov.ba>, Email: sefureda@mup.ks.gov.ba

KRIMINALITET

STATISTIČKI POKAZATELJI

U julu 2024. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 292 događaja sa obilježjem krivičnog djela (što je za 37 ili 14,5% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 152 ili 52,1% je evidentirano po poznatom izvršiocu, a 140 ili 47,9% po nepoznatom izvršiocu.

Naknadno je rasvijetljeno 89 ili 63,6% (13,2% više) od čega je 49 događaja evidentirano u mjesecu julu ove godine, a 40 u ranijem periodu.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU JULU 2024./23. GODINE


mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
JULI 2024. GODINE	292	152	140	89	40	243	12	136	121	
JULI 2023. GODINE	255	114	141	71	49	168	4	98	73	
uporedba	+/-	37	38	-1	18	-9	75	8	38	48
	%	14,5%	33,3%	-0,7%	25,4%	-18,4%	44,6%	200%	38,8%	65,8%

Tokom jula prijavljena su 243 lica (75 više), od kojih je 136 povratnika (38 više) ili 56% od ukupnog broja prijavljenih osoba, 12 maloljetnika (osam više), a 121 osoba je lišena slobode (48 više).

Za događaje sa obilježjem krivičnog djela, koji su evidentirani u julu 2024. godine, prema izjavama oštećenih lica, nastupila je materijalna šteta u ukupnom iznosu od 489.301,80 BAM i 3.300,00 EUR (u julu 2023. godine materijalna šteta iznosila je 410.401,00 BAM i 220,00 EUR).

U julu 2024. godine Uprava policije MUP Kantona Sarajevo je Kantonalnom tužilaštvu Kantona Sarajevo prosljedila na odluku putem administrativnog djelovodnika ukupno 142 obavijesti o događajima u kojima je pričinjena neznatna materijalna šteta (23 više) od čega je 12 naknadno rasvijetljeno (devet više) i prosljeđeno tužilaštvu pod brojem iz krivičnog upisnika kao događaj s obilježjem krivičnog djela.

GRAFIČKI PRIKAZ BROJA EVIDENTIRANIH DOGAĐAJA SA OBILJEŽJEM KRIVIČNOG DJELA
PO ORGANIZACIONIM JEDINICAMA UPRAVE POLICIJE



TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU JULU 2024/23. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH I BiH

KZ FBiH-a i KZ BiH-a	JULI 2024. GODINE	JULI 2023. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Krivična djela protiv ustavnog poretka Federacije	0	1	-1	----	0	0	0	---
Protiv života i tijela	25	17	8	47,1%	15	10	6	60%
Protiv slobode i prava čovjeka i građanina	24	13	11	84,6%	20	4	11	275%
Protiv spolne slobode i morala	3	3	0	isto	3	0	0	---
Protiv braka, porodice i mladeži	43	16	27	168,8%	43	0	0	---
Protiv zdravlja ljudi	20	23	-3	-13%	20	0	0	---
Protiv imovine	121	143	-22	-15,4%	13	108	61	56,5%
Protiv opće sigurnosti ljudi i imovine	11	9	2	22,2%	1	10	3	30%
Protiv sigurnosti javnog prometa	11	9	2	22,2%	11	0	0	---
Protiv pravosuđa	1	3	-2	-66,7%	1	0	1	---
Protiv javnog reda i pravnog prometa	27	12	15	125%	19	8	7	87,5%
Protiv podmićivanja i krivična djela protiv službene i druge odgovorne funkcije	2	0	2	---	2	0	0	---
Krivična djela protiv sistema elektronske obrade podataka	0	1	-1	---	0	0	0	---
Protiv čovječnosti i vrijednosti zaštićenih međunarodnim pravom (KZBiH)	0	1	-1	----	0	0	0	---
Dogovor, pripemanje, udruživanje i organizirani kriminal (KZBiH)	0	1	-1	----	0	0	0	---
ZONDINOIM-a - Zakon o nabavljanju, držanju i nošenju oružja i municije	4	3	1	33,3%	4	0	0	---
UKUPNO	292	255	37	14,5%	152	140	89	63,6%

TABELARNI PREGLED DOGAĐAJA SA OBILJEŽJEM KRIVIČNOG DJELA EVIDENTIRANIH PO POZNATOM I NEPOZNATOM IZVRŠIOCU NA PODRUČJU KANTONA SARAJEVO U MJESECU JULU 2024. GODINE

org. jedinica	org. jedinice UP u sjedištu	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
UKUPAN BROJ DOGAĐAJA SA OBILJEŽJEM KRIVIČNOG DJELA	34	22	36	49	68	40	13	14	16	292
<i>BROJ DOGAĐAJA PO POZNATOM IZVRŠIOCU</i>	28	12	13	23	35	17	3	9	12	152
<i>BROJ DOGAĐAJA PO NEPOZNATOM IZVRŠIOCU</i>	6	10	23	26	33	23	10	5	4	140

PREGLED NAKNADNO RASVIJETLJENIH DOGAĐAJA SA OBILJEŽJEM KRIVIČNOG DJELA EVIDENTIRANIH PO NEPOZNATOM IZVRŠIOCU

org. jedinica	org. jedinice UP u sjedištu	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
BROJ DOGAĐAJA PO NEPOZNATOM IZVRŠIOCU	6	10	23	26	33	23	10	5	4	140
<i>naknadno rasvijetljeni događaji evidentirani u izvještajnom mjesecu</i>	2	6	6	7	11	10	6	0	1	49
<i>naknadno rasvijetljeni događaji evidentirani u ranijem periodu</i>	0	0	8	10	10	8	2	2	0	40
ukupan broj naknadno rasvijetljenih događaja	2	6	14	17	21	18	8	2	1	89
% ukupne naknadne rasvijetljenosti	33,3%	60%	60,9%	65,4%	63,6%	78,3%	80%	40%	25%	63,6%

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom jula 2024. godine evidentirano je 25 događaja sa obilježjem krivičnog djela iz oblasti protiv života i tijela (osam više), i to 15 po poznatom i 10 po nepoznatom izvršiocu.

Evidentirano je:

- ubistvo u pokušaju (član 166. u vezi člana 28. KZ FBiH) – dva,
- teška tjelesna ozljeda (član 172. KZ FBiH) – 11,
- lahka tjelesna ozljeda (član 173. KZ FBiH) – deset i
- učestvovanje u tuči (član 174. KZ FBiH) - dva događaja.

Nadležnom tužilaštvu podneseni su službeni izvještaji protiv 27 osoba, od kojih je 11 povratnika (ili 40,7%), a 13 je lišeno slobode.

PROTIV SLOBODE I PRAVA ČOVJEKA I GRAĐANINA

Evidentirana su 24 događaja sa obilježjem krivičnog djela (11 više) i to ugrožavanje sigurnosti – 22 i protupravno lišenje slobode – dva događaja, za čije izvršenje je prijavljena 31 osoba, od kojih je 21 povratnik (67,7%), a šest osoba je lišeno slobode.

Događaji sa obilježjem krivičnog djela ugrožavanja sigurnosti evidentirani su na području sljedećih općina: Novi Grad - devet, Novo Sarajevo - pet, Centar - četiri, Ilijaš – dva, Ilidža i Hadžići – po jedan događaj.

PROTIV BRAKA, PORODICE I MLADEŽI

Iz oblasti protiv braka, porodice i mladeži u julu su evidentirana 43 događaja sa obilježjem krivičnog djela (27 više) i to nasilje u porodici – 42 i zapuštanje ili zlostavljanje djeteta ili maloljetnika – jedan događaj, za čije izvršenje su prijavljene 44 osobe, od kojih je 27 povratnika (ili 61,4%), a 36 osoba je lišeno slobode.

Događaji sa obilježjem krivičnog djela nasilje u porodici evidentirani su na području općina: Ilidža – deset, Novo Sarajevo – osam, Novi Grad – sedam, Stari Grad, Centar, Vogošća i Ilijaš – po četiri i Hadžići - jedan događaj.

TABELARNI PRIKAZ RADNJI IZ OBLASTI NASILJA U PORODICI ZA MJESEC JULI 2024. GODINE

mjesec	Broj prijavljenih slučajeva nasilja u porodici	Broj podnesenih službenih izvještaja o počinjenom krivičnom djelu iz člana 222. KZ F BiH nadležnom tužilaštvu	Izrečeno zaštitnih mjera	Broj kršenja zaštitnih mjera
juli 2024. godine	44	42	105	23
Evidentiranje broja radnji iz čl. 7 Zakona o zaštiti od nasilja u porodici FBiH i Pravilnika o načinu provođenja zaštitnih mjera za počiniocce nasilja u porodici koje su u nadležnosti policije od tačke a) do tačke m)				
a. svaka primjena fizičke sile na fizički ili psihički integritet člana porodice				22
b. svako postupanje jednog člana porodice koje može prouzrokovati ili izazvati opasnost da će prouzrokovati fizičku ili psihičku bol ili patnju				10
c. prouzrokovanje straha ili osobne ugroženosti ili povrede dostojanstva člana porodice ucjenom ili drugom prinudom				2
d. fizički napad člana porodice na drugog člana porodice, bez obzira na to da li je nastupila fizička povreda ili nije				13
e. verbalni napad, vrijeđanje, psovanje, nazivanje pogrđnim imenima, te drugi načini grubog uznemiravanja člana porodice od drugog člana porodice				25
f. seksualno uznemiravanje				1
g. uhođenje i svi drugi slični oblici uznemiravanja drugog člana porodice				7
h. oštećenje ili uništenje zajedničke imovine ili imovine u posjedu				1
i. upotreba fizičkog nasilja ili prouzrokovanje straha sa ciljem oduzimanja prava na ekonomsku nezavisnost zabranom rada ili držanjem člana porodice u odnosu zavisnosti ili podređenosti				0
j. upotreba fizičkog i psihičkog nasilja prema djeci i zanemarivanje u njihovom odgoju,				0
k. fizičko i psihičko nasilje prema starim, iznemoglim osobama i zanemarivanje u njihovom njegovanju i liječenju				0
l. nasilna izolacija ili ograničenje slobode kretanja člana porodice				0
m. propuštanje dužne pažnje i nepružanje pomoći i zaštite članu porodice i pored obaveze prema zakonu				0

PROTIV ZDRAVLJA LJUDI

Evidentirano je 20 događaja sa obilježjem krivičnog djela iz oblasti protiv zdravlja ljudi (tri manje) i to: neovlaštena proizvodnja i stavljanje u promet opojnih droga (čl. 238. KZ FBiH) – dva i posjedovanje i omogućavanje uživanja opojnih droga (čl. 239. KZ FBiH) – 18 događaja.

Nadležnom tužilaštvu podneseni su službeni izvještaji protiv 20 osoba, među kojima je 14 povratnika (70%) i 13 osoba je lišeno slobode.

Policijски službenici Uprave policije su u julu ove godine Kantonalnom tužilaštvu Sarajevo podnijeli službene izvještaje protiv dvije osobe, zbog postojanja osnova sumnje da su u proteklom periodu u više navrata kupovale opojnu drogu "Amfetamin", „Marihuana“, „Hašiš“ od za sada nepoznatih osoba, na raznim lokalitetima, istu prepakivale, a zatim vršile prodaju raznim konzumentima na području Kantona Sarajevo, čime su počinile krivično djelo iz člana 238. KZ FBiH (Neovlaštena proizvodnja i stavljanje u promet opojnih droga), a protiv 18 osoba koje su navodile druge osobe na uživanje opojnih droga, stavile na raspolaganje prostorije radi uživanja opojne droge ili kod kojih je prilikom pregleda pronađena opojna droga (“marihuana”, "amfetamin", „ecstasy“, itd.) čime su počinili krivično djelo iz člana 239. KZ FBiH (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JULU 2024./23. GODINE

VRSTA OPOJNE DROGE	juli 2024. godine	juli 2023. godine
Marihuana (paketići)	70	73
Marihuana (u gramima)	910,597	1.180,472
Amfetamin (paketići)	52	3
Amfetamin (u gramima)	1.879,983	200,994
Ecstasy (tablete kom.)	9	2
Kanabis (sjemenke)	---	30
Hašiš (u gramima)	30	---
Hašiš (paketići)	30	---
Speed (paketići)	4	18
Kokain (u gramima)	---	60
Kokain (paketići)	---	3
pribor sa ostacima droge i ostalo (komada)	3	62

PROTIV IMOVINE

U ovom mjesecu, evidentiran je 121 događaj sa obilježjem krivičnog djela protiv imovine (13 po poznatom i 108 po nepoznatom izvršiocu) što je za 22 ili 15,4% manje u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela:

- krađa (član 286. KZ FBiH) – 49 (sedam više),
- teška krađa (član 287. KZ FBiH) – 36 (40 manje),
- oštećenje tuđe stvari (član 293. KZ FBiH) – 17 (dva više),
- razbojništvo (član 289. KZ FBiH) – sedam (pet više),
- utaja (član 290. KZ FBiH) - šest (tri više),
- prijevara (član 294. KZ FBiH) – dva (isti broj), itd.

Nadležnom tužilaštvu podneseni su službeni izvještaji protiv 78 osoba, od kojih je 50 povratnika (64,1%), a 28 je lišeno slobode. Od ukupno 108 događaja evidentiranih po nepoznatom izvršiocu iz oblasti protiv imovine naknadno je rasvijetljen 61 događaj ili 56,5% što je za 9,9% više u odnosu na juli 2023. godine.

Prema objektima izvršenja teških krađa, evidentiranih u julu, 15 je izvršeno u stambene objekte (24 manje), deset u poslovne prostorije (deset manje), osam u motorna vozila (otuđenja motornih vozila i “provale” u ista) što je za tri više, itd.

U julu na području Kantona Sarajevo otuđena su četiri motorna vozila (dva više u odnosu na uporedni mjesec), od čega su dva pronađena i vraćena vlasnicima (policijski službenici MUP-a RS-a i vlasnik – pronašli su po jedno vozilo).

PREGLED BROJA OTUĐENIH I VRAĆENIH MOTORNIM VOZILIMA NA PODRUČJU KANTONA SARAJEVO PO POLICIJSKIM UPRAVAMA U MJESECU JULU 2024. GODINE

POLICIJSKA UPRAVA	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	UKUPNO
broj otuđenih motornih vozila	0	0	3	0	1	0	0	0	4
broj vraćenih mv	0	0	2	0	0	0	0	0	2
% vraćenih mv	---	---	66,7%	---	0%	---	---	---	50%

Evidentirano je 49 događaja sa obilježjem krivičnog djela krađe (sedam više) i to: u poslovne prostorije – 30 puta, na ulici - osam, u stambene objekte – četiri itd.

U julu je registrovano sedam događaja sa obilježjem krivičnog djela razbojništva. i to : PU Novi Grad - tri (dva više), Sektor kriminalističke policije – dva (nije bilo), PU Novo Sarajevo – jedan (nije bilo) i PU Ilidža – jedan (isti broj).

Nadležnom tužilaštvu podneseni su službeni izvještaji protiv pet osoba, povratnika u činjenju krivičnih djela, koji su lišeni slobode. U ovom mjesecu naknadno je rasvijetljen jedan događaja sa obilježjem krivičnog djela razbojništva.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 11 događaja (dva više) i to: izazivanje opće opasnosti – devet, izazivanje opće opasnosti u pokušaju i izazivanje opće opasnosti u pomaganju – po jedan događaj, a nadležnom tužilaštvu podneseni su službeni izvještaji protiv četiri osobe, koje su lišene slobode.

PROTIV JAVNOG REDA I PRAVNOG PROMETA

U ovoj oblasti evidentirano je 27 događaja sa obilježjem krivičnog djela (15 više) i to: nedozvoljeno držanje oružja ili eksplozivnih materija – devet, nasilničko ponašanje - osam, krivotvorenje isprave – četiri, ovjeravanje neistinitog sadržaja – tri, sprečavanje službene osobe u vršenju službene radnje – dva i samovlašće – jedan događaj.

Nadležnom tužilaštvu podneseni su službeni izvještaji protiv 28 osoba od kojih je 15 povratnika (53,6%), a 13 osoba je lišeno slobode.

DOGAĐAJI S OBILJEŽJEM KRIVIČNOG DJELA U KOJIMA SU UČESTVOVALI MALOLJETNICI

U julu 2024. godine evidentirano je pet događaja s obilježjem krivičnog djela, u kojima je učestvovalo 12 maloljetnika. U odnosu na isti mjesec 2023. godine, povećan je broj događaja sa obilježjem krivičnog djela, kao i broj maloljetnika. Prijavljeni maloljetnici su u dobi od 14 do 16 godina – devet i od 16 do 18 godina – tri maloljetnika, od čega je evidentirano šest povratnika u izvršenju krivičnih djela ili 50%.

TABELARNI PREGLED O DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA
JULI 2024/2023. GODINE

mjesec	Broj događaja sa obilježjem krivičnog djela	Broj evidentiranih maloljetnih lica	Broj povratnika
JULI 2024. GODINE	5	12	6
JULI 2023. GODINE	4	4	1
Usporedba	1 ili 25%	8 ili 200%	5 ili 500%

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA
JULI 2024/2023. GODINE

Naziv krivičnog djela	juli 2024.	juli 2023.	Usporedba
Teška tjelesna ozljeda	1	1	isto
Ugrožavanje sigurnosti	1	0	1
Silovanje	0	1	-1
Razbojništvo	1	0	1
Teška krivična djela protiv sigurnosti javnog prometa	1	0	1
Nasilničko ponašanje	1	2	-1 ili 50%
UKUPNO	5	4	1 ili 25%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku jula 2024. godine na području Kantona Sarajevo evidentirana su dva događaja aktiviranja minsko-eksplozivnih naprava (jedan u julu 2023. godine). Minsko – eksplozivne naprave aktivirane su dana 01.07.2024. godine ispred predulaza poslovnog objekta u ulici Hadžiabdinica br. 15, općina Stari Grad i dana 10.07.2024. godine ispred staklenih portala poslovnog prostora u ulici Hasana Brkića br. 14, općina Novo Sarajevo. U oba slučaja nastupila je materijalna šteta. Preduzimaju se aktivnosti na rasvjetljavanju događaja i pronalaženju učinilaca.

Na području Kantona Sarajevo evidentirana je jedna anonimna dojava o postavljenoj eksplozivnoj napravi (isto kao i u julu 2023. godine), a odnosila se na Općinski sud Sarajevo i Kantonalni sud Sarajevo. Nakon KDZ pregleda utvrđeno je da je dojava bila lažna.

POŽARI

Tokom jula 2024. godine, na području Kantona Sarajevo registrovano je šest požara (šest manje u odnosu na isti mjesec prethodne godine), koji su za posljedicu imali materijalnu štetu.

Prema nalazima, četiri požara su izazvana namjerno, a dva zbog tehničkih nedostataka.

Požari su registrovani u:

- stambenom objektu - dva puta,
- saobraćajnom sredstvu - dva,
- poslovnom prostoru - dva puta.

Zbog izazivanja požara nadležnom tužilaštvu podnesena su četiri službena izvještaja: tri iz člana 323 KZ FBiH (Izazivanje opće opasnosti) i jedan iz člana 301 KZ FBiH (Paljevina).

SAMOUBISTVA

U julu 2024. godine na području Kantona Sarajevo registrovana su tri samoubistvo (jedno manje).

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pušaka, 12 pištolja, šest noževa, dvije ručne bombe, tri boksera, pet predmeta pogodnih za nanošenje tjelesnih povreda, 475 komada municije raznog kalibra, itd.

Tokom jula ove godine fizičkim licima izdata su 192 odobrenja za nabavku vatrenog oružja i 196 oružnih listova.

JAVNI RED I MIR

U toku jula 2024. godine iz oblasti javnog reda i mira evidentirana su 454 prekršaja (19 ili 4,4% više), za čije izvršenje su prijavljene 483 osobe (26 ili 5,7% više), od čega je 70 povratnika u činjenju prekršaja (57 ili 44,9% manje).

TABELARNI PREGLED EVIDENTIRANIH PREKRŠAJA IZ OBLASTI JAVNOG REDA I MIRA
JULI 2024/2023. GODINE

Mjesec	Povratnici	Maloljetnici	Strani državljani	Ostala lica	Ukupno prekršaja
juli 2024.	70	1	3	380	454
juli 2023.	127	0	1	307	435
+-%	-57 ili 44,9%	1	2 ili 200 %	73 ili 23,8%	19 ili 4,4%

Zbog učinjenih prekršaja iz oblasti protiv javnog reda i mira izdato je 368 naloga (22 manje) i podneseno je 89 zahtjeva za pokretanje prekršajnog postupka (44 više).

Na prekršaje utvrđene Zakonom o prekršajima protiv javnog reda i mira odnosi se 408 prekršaja (89,9%), a na prekršaje koji su utvrđeni Odlukom općinskih vijeća o javnom redu i miru 46 (ili 10,1%).

Prilikom narušavanja javnog reda i mira u julu 2024. godine, nije bilo teže povrijeđenih osoba (isto), dok su tri osobe (11 manje) lakše povrijeđene.

TABELARNI PREGLED EVIDENTIRANIH PREKRŠAJA IZ OBLASTI JAVNOG REDA I MIRA
JULI 2024/2023. GODINE

mjesec	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	JZS	ukupno	
juli 2024.	54	79	33	78	78	35	21	20	56	454	
juli 2023.	50	109	73	94	48	14	5	11	31	435	
usporedba	+/-	4	-30	-40	-16	30	21	16	9	25	19
	%	8%	27,5%	54,8%	17%	62,5%	150%	320%	81,8%	80,6%	4,4%

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
JULI 2024/2023. GODINA

PREKRŠAJI IZ ZAKONA O JRIM:	juli 2024.	juli 2023.	usporedba	
			+/-	%
UKUPNO PREKRŠAJA	454	435	19	4,4%
UKUPNO lica	483	457	26	5,7%
Prekršaji prema Zakonu o prekršajima protiv JRiM:	408	409	-1	0,2%
Prekršaji prema Odluci općinskog vijeća o JRiM	46	26	20	76,9%
-Svađa, vika, nepristojno ponašanje	13	14	-1	7,1%
-Tuče	9	51	-42	82,4%
-Naročito drsko ponašanje	72	37	35	94,6%
-Odbijanje naređenja i omalovažavanje policijskih službenika	25	24	1	4,2%
-Uživanje opojne droge na javnom mjestu	72	36	36	100%
-Neovlaštena upotreba oružja	0	2	-2	---
-Paljenje petardi	1	1	0	isto
-Prosjačenje	70	156	-86	55,1%
-Ostali prekršaji iz Zakona o JRiM	146	88	58	65,9%

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA
JULI 2024/2023. GODINE

MJESTO IZVRŠENJA	juli 2024.	juli 2023.	usporedba	
			+/-	%
Ulice, trgovi, putevi i drugi otvoreni prostori	434	401	33	8,22%
Ostala mjesta	17	28	-11	39,3%
Ugostiteljski objekti	2	3	-1	33,3%
Trgovine i zanatske radnje	1	3	-2	66,6%
Sportski stadioni i dvorane	0	0	0	---
Škole i školska dvorišta	0	0	0	---
Vozila javnog saobraćaja	0	0	0	---
UKUPNO	454	435	19	4,4%

Na području Kantona Sarajevo u julu 2024. godine održan je 201 javni skup (šest ili 3,1% više u odnosu na mjesec juli 2023. godine). Policijski službenici Uprave policije proveli su planske aktivnosti za bezbjedno održavanje javnih skupova i izvršili 68 KDZ osiguranja.

SAOBRAĆAJ

Na području Kantona Sarajevo u mjesecu julu registrovano je 875 saobraćajnih nezgoda (osam ili 0,9% više), od čega su 793 sa materijalnom štetom 16 ili dva% više) i 82 sa nastradalim osobama (osam ili 8,9% manje).

PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JULI 2024./23. GODINE

	juli 2024. godine	juli 2023. godine	usporedba	
			+/-	%
UKUPNO SAOBRAĆAJNIH NEZGODA	875	867	+8	+ 0,9 %
Saobraćajne nezgode sa nastradalim licima	82	90	- 8	- 8,9 %
Saobraćajne nezgode sa materijalnom štetom	793	777	+ 16	+ 2 %
POGINULO LICA	0	1	- 1	----
- vozači	0	1	- 1	----
- putnici	0	0	----	----
- pješaci	0	0	----	----
POVRIJEĐENO LICA	96	102	- 6	- 5,9 %
- vozači	70	61	+ 9	+ 14,7 %
- putnici	14	26	- 12	- 46,1 %
- pješaci	12	15	- 3	- 20 %

Najviše saobraćajnih nezgoda je evidentirano na području općine Centar - 266, a najmanje na području općine Trnovo - osam.

TABELARNI PREGLED BROJA SAOBRAĆAJNIH NEZGODA PO OPĆINAMA
JULI 2024./23. GODINE

mjesec	UKUPAN BROJ SAOBRAĆAJNIH NEZGODA PO OPĆINAMA									ukupno	
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš		
juli 2024. godine	62	266	147	233	94	23	8	19	23	875	
juli 2023. godine	57	213	195	221	103	29	4	19	26	867	
usporedba	+/-	+ 5	+ 53	- 48	+ 12	- 9	- 6	+ 4	----	- 3	+ 8
	%	+ 8,8%	+ 24,9 %	- 24,6 %	+ 5,4 %	- 8,7 %	- 20,7 %	+ 100 %	----	- 11,5 %	+ 0,9 %

U naselju je registrovano 738 saobraćajnih nezgoda, a van naselja 137 nezgoda.

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JULI 2024. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	0	9	52	677	738	0	9	64
van naselja	0	4	17	116	137	0	4	19
UKUPNO	0	13	69	793	875	0	13	83

Prema kategoriji puta, najveći broj saobraćajnih nezgoda registrovan je na ulicama u naselju (668), na magistralnim putevima (57), na lokalnim putevima (45), na regionalnim putevima (20), na putevima koji se ubrajaju u kategoriju ostalih (85).

POSLJEDICE SAOBRAĆAJNIH NEZGODA

Tokom jula 2024. godine, u saobraćajnim nezgodama na području Kantona Sarajevo 96 osoba je povrijeđeno (šest ili 5,9% manje), od čega 13 teže (devet ili 40,9% manje) i 83 lakše (tri ili 3,7% više). U julu nije bilo poginulih osoba (u istom mjesecu prošle godine poginula je jedna osoba - vozač).

Starosna struktura nastradalih u saobraćajnim nezgodama:

- ispod 6 godina - jedna,
- od 6 do 14 godina - jedna,
- od 15 do 24 godine - četiri,
- od 25 do 30 godina - 20,
- od 31 do 40 godina - 25,
- od 41 do 50 godina - 20,
- od 51 do 65 godina - 18,
- 66 i više godina - pet,
- nepoznata starosna dob – dvije osobe.

Starosna struktura nastradalih vozača u saobraćajnim nezgodama:

- od 18 do 23 godine - jedna,
- od 23 do 30 godina - 16,
- od 30 do 40 godina - 21,
- od 40 do 50 godina - 13,
- od 50 do 65 godina - 10,
- 60 i više godina - šest,
- nepoznata starosna dob - tri osobe.

UZROCI SAOBRAĆAJNIH NEZGODA

- nepropisno izvođenje radnji u saobraćaju - 177,
- neprilagođena brzina - 87,
- kretanje vozilom unazad na kratkom dijelu puta - 47,
- nedržanje potrebnog odstojanja - 38,
- uticaj alkohola - 15,
- nedržanje vozila u kretanju što bliže desnoj ivici kolovoza - 12,
- negiranje prvenstva prolaza - 11,
- propuštanje održavanja puteva - tri,
- nepropisno parkiranje - jednom,
- teret na vozilu - jednom,
- ostali uzroci - 483.

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom jula 2024. godine, policijski službenici Uprave policije MUP-a Kantona Sarajevo kontrolisali su 16.238 vozila i vozača (3.526 manje), 5.324 lica u vozilima (4.716 manje), pregledali 437 vozila (121 manje) i 316 osoba u vozilima (19 manje), 48 vozila je

isključeno iz saobraćaja zbog tehničke neispravnosti (32 više), 349 vozača je zatečeno da upravljaju vozilom pod dejstvom alkohola (25 manje), 70 prekršajnih sankcija je izrečeno vozačima zbog prolaska vozilom kroz raskrnicu na znak uključenog crvenog svjetla (50 manje), 473 osobe bez korištenja sigurnosnog pojasa (62 više), 130 vozača je upravljalo motornim vozilom bez položenog vozačkog ispita (27 manje), 42 vozača su upravljala motornim vozilom pod izrečenom zaštitnom mjerom (16 manje), 619 vozača je zatečeno da koriste mobitel tokom vožnje (šest manje), 203 vozila su učestvovala u saobraćaju bez važeće registracije (1.750 manje).

Zbog kršenja propisa iz oblasti sigurnosti saobraćaja uručeno je 21.289 prekršajnih naloga vozačima (989 ili 4,9% više), podneseno 49 zahtjeva za pokretanje prekršajnog postupka (208 ili 80,9% manje) i registrovano 11 događaja s obilježjem krivičnog djela zbog ugrožavanja sigurnosti javnog prometa (dva ili 22,2% više).

TABELARNI PREGLED AKTIVNOSTI POLICIJE IZ OBLASTI SIGURNOSTI SAOBRAĆAJA
PO POLICIJSKIM UPRAVAMA I JEDINICA ZA SAOBRAĆAJ JULI 2024/2023. GODINE

	juli 2024/2023.	UKUPNO	PU Stari Grad	PU Centar	PU Novo Sarajevo	PU Novi Grad	PU Ilidža	PU Hadžići i Trnovo	PU Vogošća	PU Ilijaš	Jedinica za saobraćaj
broj kontrolisanih vozila i vozača	2024	16.238	2.012	2.200	1.102	2.123	1.653	1.369	1.566	861	3.352
	2023	19.764	1.935	2.890	1.240	2.898	2.208	1.749	830	1.707	4.307
broj uručenih prekršajnih naloga	2024	21.289	1.918	2.025	961	1.769	1.460	733	1.098	391	10.934
	2023	20.300	1.894	2.323	1.018	2.155	2.155	868	625	929	8.333
broj zahtjeva za pokretanje prekršajnog postupka	2024	49	6	6	2	3	0	3	7	11	11
	2023	257	12	24	1	9	5	4	6	8	188
broj isključenih vozila iz saobraćaja zbog tehničke neispravnosti	2024	48	0	0	0	1	3	0	0	0	44
	2023	16	0	0	0	0	0	0	2	0	14
broj vozača zatečenih da upravljaju vozilom pod dejstvom alkohola	2024	349	4	27	8	23	49	13	25	13	187
	2023	374	15	35	4	23	52	19	23	62	141
broj vozača zatečenih da upravljaju vozilom bez korištenja sigurnosnog pojasa	2024	473	1	37	7	77	5	13	9	10	314
	2023	411	15	41	19	62	7	29	3	30	205
broj vozača zatečenih da upravljaju vozilom bez položenog vozačkog ispita	2024	130	4	9	8	7	9	4	15	2	72
	2023	157	5	5	7	20	7	4	4	7	98
broj vozača zatečenih da upravljaju vozilom pod izrečenom zaštitnom mjerom	2024	42	1	8	0	6	4	1	3	0	19
	2023	58	4	4	7	6	3	7	3	4	20
broj vozača zatečenih da koriste mobitel tokom vožnje	2024	619	3	63	6	52	18	4	14	13	446
	2023	625	15	32	42	62	12	12	26	25	399
broj vozila otkrivenih da učestvuju u saobraćaju bez važeće registracije	2024	203	5	6	2	4	15	6	29	0	136
	2023	1.953	8	3	6	9	7	2	1	7	1.910
Broj prekršaja zbog prekoračenja dozvoljene brzine kretanja vozila	2024	8.914	24	80	2	88	104	270	626	126	7.594
	2023	6.127	17	123	37	118	159	381	143	376	4.773
Broj prekršaja zbog prolaska kroz raskrnicu na znak uključenog crvenog svjetla	2024	70	1	17	2	3	3	0	1	0	43
	2023	120	3	8	4	4	2	0	3	0	96

Tokom jula 2024. godine, nastavljene su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

S tim u vezi, od višestrukih povratnika u činjenju prekršaja iz oblasti ZOOBS-a oduzeto je ukupno 19 motornih vozila: PU Ilidža - šest, PU Stari Grad, PU Novo Sarajevo, PU Novi Grad, PU Hadžići i Trnovo i PU Ilijaš - po dva, Jedinica za saobraćaj, PU Centar i PU Vogošća - po jedno motorno vozilo.

TABELA O PRIVREMENO ODUZETIM VOZILIMA U SKLADU SA ZOOBS-om NA PUTEVIMA BIH
JULI 2024. GODINE

Redni broj	Org. Jedinica koja je oduzela vozilo	Prezime i ime lica od koga je oduzeto vozilo		Spol počionioca prekršaja (M/Ž)	Godina rođenja počionioca prekršaja	Datum oduzimanja m/v	Marka vozila / Model vozila	Dug u RNK (KM)	Broj počinjenih prekršaja
1.	PU Stari Grad	1	E.S.	M	1971	7.7.2024	VW/SHARAN	4.060,00	11
		2.	M.P.	M	1981	11.7.2024	VW/PASSAT	34.931,00	78
Ukupno :		2							
2.	PU Centar	1	A.B.	M	1987	6.7.2024	VW/GOLF	211,00	5
		Ukupno :		1					
3.	PU Novo Sarajevo	1.	S.M.	M	1991	25.7.2024	HYUNDAI/ELANT RA	19.197,00	37
		2.	K.Š.	M	2003	26.7.2024	MOTOCIKL/KEE WAY	3.550,00	8
Ukupno :		2							
4.	PU Novi Grad	1	M.M.Š.	Ž	1985	11.7.2024	VW/PASSAT	2.020,00	10
		2	K.H.	M	1973	25.7.2024	RENAULT/CLIO	2.480,00	12
Ukupno :		2							
5.	PU Ilidža	1	V.S.	M	1982	14.7.2024	FORD/FIESTA	24.440,00	52
		2	F.S.	M	2004	16.7.2024	MOPED/SONIC	11.110,00	14
		3	N.A.	M	1976	20.7.2024	PEUGEOT/206	25.580,00	38
		4	N.K.	M	1982	26.7.2024	VW/POLO	17.733,00	34
		5	A.T.	M	1984	27.7.2024	FIAT/BRAVO	4.040,00	6
		6	M.A.	M	1993	28.7.2024	MOTOCIKL/PEU GEOT	17.291,00	30
Ukupno :		6							
6.	PU Hadžići i Trnovo	1	A.Š.	M	1990	20.7.2024	AUDI/A4	0,00	4
		2	A.K.	M	1987	21.7.2024	ŠKODA/FABIA	8.389,00	3
Ukupno :		1							

7.	PU Vogošća	1	A.S.S.	M	1997	8.7.2024	RENAULT/MEGANE	5.120,00	13
Ukupno :		1							
8.	PU Ilijaš	1	S.S.	M	2003	5.7.2024	AUDI/A4	0,00	4
		2	M.O.	M	1998	11.7.2024	MOPED/ YIBEN	3.520,00	11
Ukupno :		2							
9.	Jedinica za saobraćaj	1	E.P.	M	1975	4.7.2024	MECEDES/E220	8.321,00	20
Ukupno :		1							

Zbog prekoračenja dozvoljene brzine kretanja motornog vozila, izrečeno je 8.914 prekršajnih sankcija vozačima (2.787 ili 45,5 % više).

Shodno Zaključku Skupštine Kantona Sarajevo broj: 01-04-27085/23 od 09.06.2023. godine, nastavljene su aktivnosti poduzimanja pojačanih mjera i radnji na poboljšanju stanja sigurnosti saobraćaja.

Shodno Planu postupanja policijskih službenika „Ulični trkač“, koji se odnosi na smanjenje pojava oblika ugrožavanja javnog saobraćaja, izdat je 371 prekršajni nalog.

U skladu s Planom postupanja policijskih službenika „Brzina“, koji se odnosi na prekoračenje dozvoljene brzine kretanja motornih vozila, izdato je 1.607 prekršajnih naloga.

U skladu s Planom postupanja policijskih službenika „Alkohol“, koji se odnosi na akciju pojačane kontrole vozača i vozila u saobraćaju, s posebnim akcentom na prekršaj koji se odnosi na upravljanje motornim vozilom pod dejstvom alkohola, izdata su 244 prekršajna naloga i zahtjeva za pokretanje prekršajnog postupka.

MIRUJUĆI SAOBRAĆAJ I KONTROLA PJEŠAKA

Vozačima koji su vozila nedozvoljeno parkirali na javnim površinama, uručeno je 7.266 prekršajnih naloga (859 manje), upozorena su 72 vozača (93 manje), a specijalnim vozilom “pauk” premješteno je 206 vozila (35 manje).

Zbog nedozvoljenog parkiranja, prekršajne naloge uručili su policijski službenici: PU Stari Grad - 1.812, PU Centar - 1.493, PU Novi Grad - 1.203, PU Ilidža - 1.050, PU Novo Sarajevo - 909, Jedinice za saobraćaj - 520, PU Hadžići i Trnovo - 123, PU Vogošća - 99, PU Ilijaš - 57.

Pješacima koji su kršili propise uručeno je 160 prekršajnih naloga (55 više), a upozoren je jedan pješak (18 manje).

ZAKONITOST U RADU

Tokom jula 2024. godine, registrovan je jedan pojedinačni napad na policijske službenike Uprave policije MUP-a Kantona Sarajevo - PU Ilijaš (tri ili 75 % manje). U napadima je učestvovalo jedno punoljetno lice koje je koristilo fizičku snagu. Tom prilikom jedan policijski službenik je lakše povrijeđen.

Razmatrane su 44 predstavke na rad policijskih službenika Uprave policije MUP-a Kantona Sarajevo i šest saznanja iz službe, nakon čega je Odbor za žalbe građana Skupštine Kantona Sarajevo donio zaključak da se za 14 predstavki (osam više), provede unutrašnja istraga, dok je za 24 predstavke odlučeno da se izvrše provjere i prikupi dokumentacija. Za pet saznanja iz službe vodi se unutrašnja istraga, dok se za jednu predstavku vrši provjera. Okončano je sedam unutrašnjih istraga, među kojima su dvije osnovane, za dvije predstavke nije bilo dovoljno dokaza, u dva slučaja stranka je odustala od žalbe, dok je u jednom slučaju istraga prekinuta. Nije bilo registrovanih predstavki koja ima obilježja korupcije.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom mjeseca jula preduzimali aktivnosti u cilju uspostavljanja bolje saradnje sa građanima, mjesnim zajednicama, službama socijalne zaštite, predstavnicima vjerskih zajednica, udruženjima građana i nevladinim organizacijama.

Održano je 13 sastanaka sa predstavnicima mjesnih zajednica.

Redovno su vođene evidencije o poštivanju izrečenih zaštitnih mjera od strane Općinskog suda u Sarajevu iz oblasti nasilja u porodici. Policijski službenici vršili su obilazak i ostvarivali kontakt sa žrtvama nasilja kao i sa nasilnikom, kako bi osigurali poštivanje izrečenih zaštitnih mjera, veći stepen sigurnosti za žrtve i preventivno djelovanje na eventualno ponavljanje nasilja.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno boravi cca 1.522 migranta (149 ili 10,9% više).

U mjesecu julu 2024. godine na području Kantona Sarajevo migranti su učestovali u sedam događaja sa obilježjem krivičnog djela (šest više) i to:

- Lahka tjelesna ozljeda (čl.173. KZ FBiH) – jedan događaj,
- krađa (čl. 286. KZ FBiH) - dva,
- teška krađa (čl. 287. KZ FBiH) - tri i
- izazivanje opće opasnosti (čl. 323. KZ FBiH) – jedan događaj.

Tokom mjeseca jula 2024. godine, policijski službenici kontrolisali su 11 migranta, od čega jedan nije posjedovalo registracijski obrazac i dva su smještena u prihvatne centre na području Kantona Sarajevo.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC JULI 2024. GODINE	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.522
UKUPAN BROJ KONTROLISANIH MIGRANATA	11
BROJ MIGRANATA LIŠENIH SLOBODE	4
BROJ KRIVIČNIH DJELA POČINJENIH OD STRANE MIGRANATA	5
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	0
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	0

Sarajevo, Avgust 2024. godine

Pripremili: Odjeljenje za analitiku, planiranje i evidencije

Obradili: Odjeljenje za odnose s janošću